

## اتوار 18 جنوری، 2026

### مضمون۔ حیاتی

سنہری متن: رومیوں 6 باب 23 آیت

”رب دی بخشش ساڈے خداوند یسوع مسیح وچ ہمیشہ دی حیاتی اے۔“

جوابی پڑھائی: امثال 4 باب 1، 4، 6، 10، 13 آیات

- 1۔ اے میرے پترو! پیو دی تربیت ول کن لاؤتے فہم حاصل کرن لئی دھیان دیو۔
- 4۔ میریاں گلاں تیرے دل وچ رہن، میرے حکم پورے کرتے جیوندہ رہ۔
- 5۔ حکمت حاصل کر، فہم حاصل کر، بھٹل نہ تے میرے مونہہ دیاں گلاں توں نہ پھر۔
- 6۔ سیان نوں ترک نہ کر۔ اوہ تیری حفاظت کرے گی۔ اوہدے نال پیار کر۔ اوہ تیری نگہبان ہووے گی۔
- 10۔ اے میرے پتر! سن تے میریاں گلاں نوں قبول کرتے تیری حیاتی دے دن بوہتے ہوون گے۔
- 13۔ تربیت نوں مضبوطی نال پھڑکے رکھ۔ اوہنوں جان نہ دے۔ اوہدی حفاظت کر کیوں جے اوہ تیری حیاتی اے۔

## درسی وعظ

## بائبل وچوں

## 1- 1 یوحنا 1 باب 1 توں 3 آیتاں

1- اوس حیاتی دے کلام دی بابت جیسر اشروع توں سی تے جنہوں اسی سُنیا تے اپنیاں اکھیاں نال ویکھیا بلکہ دھیان نال ویکھیا تے اپنے ہتھ نال چھویا۔

2- (ایہہ حیاتی ظاہر ہوئی تے اسی اوہنوں ویکھیا تے اوہدی گواہی دینے آں تے اوس ہمیشہ دی حیاتی دی تہانوں خبر دینے آں جیسر پیو دے نال سی تے ساڈے اُتے ظاہر ہوئی۔)

3- جو کجھ اسی ویکھیا تے سُنیا اے تہانوں وی اوہدی خبر دینے آں تاں جو تسی وی ساڈے نال شریک ہوو تے ساڈی شراکت پیو دے نال تے اوہدے پتر یسوع مسیح دے نال ہووے۔

## 2- 1 یوحنا 5 باب 8 (تا آکھیا)، 19 (بے شک)، 24 (توں چھٹی)، آیتاں

8- یسوع نے اوہنوں آکھیا۔۔۔

19- میں تہانوں سچ آکھداں پئی پتر اپنے کولوں کجھ نئیں کر سکدا سوائے ایہدے جو اوہ پیو نوں کر دیاں ویکھدا اے کیوں جے جنہاں کماں نوں اوہ کر دا اے اوہناں نوں پتر وی اونچ ای کر دا اے۔

24- میں تمہانوں سچ آکھداواں پئی جیہڑا میرا کلام سُن دا اے تے میرے گھلن والے دا یقین کر دا اے ہمیشہ دی حیاتی اوہدی اے۔

### 3- مرقس 5 باب 21 (جد) توں 24 (توں)، 35 (اوتھے) توں 43 آیتاں

- 21- جدوں یسوع فیر کشتی وچ پار گیا تے وڈا جتھا اوہدے کول جمع ہوئیا۔
- 22- تے عبادتخانیاں دے سرداراں وچوں یا ئیر نامی اک بندہ آیا تے اوہنوں ویکھ کے اوہدے پیراں وچ ڈگ پیا۔
- 23- تے ایہہ آکھ کے اوہدی بوہت منت کیتی پئی میری چھوٹی دھی مرن والی اے تُوں آکے اپنے ہتھ اوہدے اُتے رکھ پئی اوہ چنگی ہو جاوے تے جیوندی رہوے۔
- 24- ایس لئی اوہ اوہدے نال ٹریا تے ہتھیرے لوکی اوہدے مگر ٹر پئے۔
- 35- اوہ ایہہ آکھ ای رہیا سی پئی عبادتخانے دے سرداروں دے لوکاں نے آکے آکھیا تیری دھی مر گئی اے۔ ہن استاد نوں کیوں تکلیف دینا ایں؟
- 36- جیہڑی گل اوہ آکھ رہے سی اوہدے اُتے یسوع نے دھیان نہ کر کے عبادت خانے دے سردار نوں آکھیا ڈرنہ صرف ایمان رکھ۔ 37- فیر اوہنے پطرس تے یعقوب تے یعقوب دے بھرا یوحنا دے علاوہ کسے ہور نوں اپنے نال ٹرن دی اجازت نہ دتی۔
- 38- تے اوہ عبادت خانے دے سردار دے گھر وچ آئے تے اوہنے ویکھیا پئی وین ہور ہی اے تے لوک بوہت روپٹ رہے نیں۔
- 39- تے اندر جا کے اوہناں نوں آکھیا تھی کیوں رولا پاؤندے تے روندے او؟ کڑی مری نیں بلکہ سوندی اے۔
- 40- اوہ اوہدے اُتے ہسن لگے پر اوہ ساریاں نوں باہر کڈھ کے کڑی دے ماں پیو نوں تے اپنے چیلیاں نوں لے کے جتھے کڑی پئی سی اندر گیا۔

- 41- تے کڑی دا ہتھ پھڑ کے اوہنوں آکھیا تلپتا قومی۔ جید ترجمہ اے اے لڑکی میں تینوں آکھداواں اٹھ۔
- 42- تے کڑی چھیتی نال اٹھ کے ٹرن پھرن لگی کیوں جے بارہ ورھیاں دی سی۔ ایسے توں لوک بوہت حیران ہوئے۔
- 43- فیرا ہنوں اوہناں نوں تاکید نال حکم دتا پئی ایہہ کوئی نا جانے تے آکھیا پئی کڑی نوں کجھ کھان نوں دتا جاوے۔

#### 4- یوحنا 3 باب 1 توں 16 آیتاں

- 1- فریسیاں وچوں اک بندہ نیکو دیمس نال دا ایہو دیاں داسر دار سی۔
- 2- اوہنے رات نوں یسوع دے کول آ کے اوہنوں آکھیا اے ربی اسی جان دے آں پئی توں رب ولوں استاد ہو کے آیا ایں کیوں جے جیہڑے معجزے توں دکھاؤند ایں کوئی بندہ نہیں وکھاسکد اجد تیکر رب اوہدے نال نہ ہووے۔
- 3- یسوع نے جواب وچ اوہنوں آکھیا میں تینوں سچ آکھدا آں جد تیکر کوئی نویں سرے توں پیدا نہ ہووے رب دی بادشاہی نوں نہیں ویکھ سکدا۔
- 4- نیکو دیمس نے اوہنوں آکھیا بندہ جد بڈھا ہو گیا تے کیوں پیدا ہو سکدا اے؟ کیہ اوہ دوبارہ اپنی ماں دے ٹیڈ وچ جا کے پیدا ہو سکدا اے؟
- 5- یسوع نے اوہنوں جواب دتا پئی میں تینوں سچ آکھدا آں جد تیکر کوئی بندہ پانی تے روح نال پیدا نہ ہووے رب دی بادشاہی وچ نہیں جاسکدا۔
- 6- جیہڑا بدن نال پیدا ہو گیا اے بدن اے تے جیہڑا روح نال پیدا ہو گیا اے روح اے۔
- 7- تعجب نہ کر پئی میں تینوں آکھیا پئی تینوں نویں سرے توں ضرور پیدا ہونا اے۔
- 8- ہو اجد ہر چاؤندی اے چلدی اے تے توں اوہدی آواز سن دا ایں پر نہیں جان دا پئی اوہ کتھوں آؤندی اے تے کتھے جاندا اے۔ جیہڑا روح نال پیدا ہو گیا اے ایسے طراں دا ای اے۔

- 9- نیکو دیس نے جواب دیا: اوہ ہوں آکھیا ایہہ گلاں کیویں ہو سکدیاں نیں؟
- 10- یسوع نے جواب دیا: اوہ ہوں آکھیا بنی اسرائیل دا استاد ہو کے کیہ تُوں ایہناں گلاں نوں نیں جان دا؟
- 11- میں تینوں سچ آکھدا آں پئی جو اسی جان دے آں اوہ آکھدے آں تے جنہوں اسی ویکھیا اوہدی گواہی دیندے آں تے تُوں گواہی قبول نیں کردا۔
- 12- جد میں تیرے نال دھرتی دیاں گلاں آکھیاں تے تُوں یقین نیں کیتا تے جے میں تینوں آسمان دیاں گلاں آکھاں تے کیوں یقین کریں گا؟
- 13- تے آسمان اُتے کوئی نیں چڑھیا سوائے اوہدے جیہڑا آسمان توں اُتریا یعنی ابن آدم جیہڑا آسمان وچ اے۔
- 14- تے جداں موسیٰ نے سب نوں بیابان وچ اُچا چڑھایا اوہ سے طراں ضرور اے پئی ابن آدم وی اُچا چڑھایا جاوے۔
- 15- تاں جو جیہڑا کوئی ایمان لیاوے ہمیشہ دی حیاتی پاوے۔
- 16- کیوں جے رب نے جگ نال اجیہی محبت رکھی پئی اوہنے اپنا اکلوتا پتر دے دتا تاں جو جیہڑا وی اوہدے ایمان لیاوے اوہ ہلاک نہ ہووے بلکہ ہمیشہ دی حیاتی پاوے۔

5- یوحنا 13 باب 31 (رب نے آکھیا) صرف آیت

31- رب نے آکھیا،

6- یوحنا 14 باب 2 توں 6، 12، 15، 16، 11 آیتاں

- 2- میرے پیوے گھر وچ بوہت سارے مکان نیں جے نہ ہندے تے میں تہانوں آکھ دیندا کیوں جے میں جانا واں تاں جو تہاڈے لئی تھیں تیار کراں۔
- 3- تے جے میں جا کے تہاڈے لئی تھیں تیار کراں تے فیر آ کے تہانوں اپنے نال لے لوں گا تاں جو جتھے میں واں تسی وی ہوو۔
- 4- تے جتھے میں جانا واں تسی او تھے دی راہ جان دے او۔
- 5- تو مانے اوہنوں آکھیا اے خداوند اسی نئیں جان دے پئی توں کتھے جانا ایں۔ فیر راہ کیوں جانے۔
- 6- یسوع نے اوہنوں آکھیا پئی راہ تے سچائی تے حیاتی میں واں کوئی میتھوں بغیر پیوے کول نئیں جانا۔
- 11- میرا یقین کرو پئی میں باپ وچ آں تے باپ میرے وچ۔ نئیں تے میرے کماں دے پاروں ای میرا یقین کرو۔
- 12- میں تہانوں سچ آکھدا واں پئی جیہڑا میرے اُتے ایمان رکھدا اے ایہہ کم جیہڑے میں کردا واں اوہ وی کرے گا بلکہ ایہناں توں وی وڈھے کم کرے گا کیوں جے میں باپ دے کول جانا واں۔
- 15- جے تسی میرے نال پیار کردے او تے میرے حکماں اُتے عمل کرو۔
- 16- تے میں پیوا گے درخواست کراں گا تے اوہ تہانوں دو جامد دگار بخشے گا پئی ہمیشہ تیکر تہاڈے نال رہوے۔

## سائنس تے صحت

1- 497:3 (جیویں پئی)۔4

سچائی مگر ٹرن والے دے طور تے، اسی بائبل دے الہامی کلام نوں ہمیشہ دی حیاتی لئی معقول ہدایت من دے آں۔

## 2- 13-4:24

اصل متن نال واقفیت تے انسانی عقیدیاں نوں چھڈن دا ارادہ (پیشواں ولوں بنائے گئے تے کدی کدی بوہت  
بھیسڑے انسانی جذبیاں نال بھڑکائے ہوئے عقیدے)، کر سچن سائنس نوں سمجھن دی راہ کھولدے نیں، تے  
بائبل نوں حیاتی دانقشہ بناؤندے نیں، جتھے سچیاں دے نشاناں تے شفا تے دھاریاں دی نشاندہی ہندی اے۔

اوہ جیدے اُتے ”رب دا بازو“ ظاہر ہندا اے اوہ ساڈی رپورٹ اُتے یقین کرے گا، تے نوں پیدا کُش دے نال حیاتی  
دے نوں پن وچ اٹھے گا۔

## 3- 13-4:410

یسوع آکھدا اے پئی ”ایہہ ہمیشہ دی حیاتی ہے اے“ نہ کہ ہووے گی، تے فیر اوہ بیوتے اپنے آپ دے موجودہ علم  
دے طور تے ابدی حیاتی دی وضاحت کردا اے یعنی محبت، سچیاں تے حیاتی دا علم۔ تے ہمیشہ دی حیاتی ایہہ اے پئی اوہ  
تینوں خدائے واحد تے برحق نوں تے یسوع مسیح نوں جنہوں توں گھلیا اے جان۔ صحیفے آکھدے نیں، ”انسان بس  
روٹی نال ای جیوندہ نہ رہو وے گا، بلکہ ہر اک لفظ نال جیہڑا رب دے مونہوں نکلا اے“، ایہہ ظاہر کردا اے پئی  
سچیاں ای انسان دی اصلی حیاتی اے۔ پر انسان ایس تعلیم نوں عملی بنان اُتے اعتراض کردا اے۔

## 4- 192:27-31 اگلا صفحہ

الہی مابعد الطبیعات دے فہم وچ اسی اپنے مالک دے نمونے مگر ٹردیاں ہوئے پیارتے سچائی دے پیراں اُتے ٹردے آں۔ مسیحیت اصلی شفا دی نیوں اے۔ بے غرض پیار دے معاملے وچ انسان دی سوچ جو کجھ وی اپناؤندی اے اوہ الہی قوت نوں سدھا حاصل کر لیندی اے۔

مینوں لین وچ مسٹر کلارک نوں ملن دی دعوت دئی گئی، جیہڑا چھ مہینیاں توں کمر دی بیماری دے پاروں منجے اُتے پیا سی، جدوں اوہ جوان سی تے اک لکڑی دا اوڈھا کل اوہدے اُتے ڈگنا ایس بیماری دی وجہ سی۔ گھر وچ وڑھدیاں ہوئے میں اوہدے ڈاکٹر نوں ملیا، جسے آکھیا پئی ایہہ مریض مر رہیا سی۔ ڈاکٹر نے اوہدی پشت اُتے اک ناسور دی تشخیص کیتی سی، تے آکھیا پئی ہڈی کئی انچ تیکر سڑ گئی سی۔ ایہوں تیکر پئی اوہنے مینوں وی اوہ تحقیق وکھائی، جیدے اُتے ہڈی دی ایس حالت دا ثبوت ملدا سی۔ ڈاکٹر باہر ٹر گیا۔ مسٹر کلارک اپنیاں جمیاں تے بے بصر آکھیاں دے نال لمے پیاسی۔ موت دی تریل اوہدے متھے اُتے سی۔ کجھ ویلے وچ اوہدا کھڑا بدل گیا؛ اوہدی موت دے زرد رنگ نے فطری رنگ نوں جگہ دتی،۔ پلکاں ہولی ہولی بند ہو گئیاں تے ساہ وی ہولی چلن لگی؛ اوہ سوں گیا سی۔ قریب آدس منٹ بعد اوہنے اپنیاں آکھیاں کھولیاں تے آکھیا: ”مینوں نوے انسان جیہا لگ رہیا اے۔ میریاں ساریاں تکلیفاں دور ہو گئیاں نیں۔“ دوپہر دے تن توں چار بجے دے وچالے ایہہ واقعہ ہو گیا سی۔

میں اوہنوں آکھیا پئی اٹھ، آپ ای کپڑے پا، تے اپنے خاندان دے نال رات دا کھانا کھا۔ اوہنے ایہی کیتا۔ اگلے دن میں اوہنوں ویہڑے وچ ویکھیا۔ اوہدوں توں میں اوہنوں نیں ویکھیا، پر مینوں پتا چلیا پئی اوہ دو ہفتیاں بعد کم نوں ٹر گیا۔ زخم وگناں بند ہو گیا، تے زخم ٹھیک ہو گیا۔ جوانی وچ جدوں سٹ لگی سی اوہدوں توں بیماری دی حالت سی۔

ایہدے ٹھیک ہوون دے بعدوں مینوں ایہہ خبر ملی اے پئی اوہدے ڈاکٹر نے اوہنوں ٹھیک کرن دا دعویٰ کیتا اے، تے ایہہ پئی اوہدی ماں نوں ایہہ آکھدیاں ہوئے پاگل خانے وچ قید کرن دی دھمکی دئی گئی اے پئی: ”ایہہ کوئی ہوور نیں بلکہ رب تے اوہ بڑھی سی جنہوں اوہنے شفا دتی سی۔“ میں ایس رپورٹ دے سچے ہوون دی تصدیق نیں

کر سکدا، پر میں اوس بندے لئی جو کجھ ویکھیاتے کیتا، تے اوہدے ڈاکٹر نے اوہدے کیس دے بارے جو کجھ آکھیا، اونج ای ہونیا جیویں میں دسیاے۔

5- 20-14:289

ایہہ اصلیت پئی مسیح، یا سچائی نے موت اُتے فتح پائی یا ہن روی فتح پاؤندا اے، ”دہشت دے بادشاہ“ نوں بس اک فانی عقیدے یا غلطی دے علاوہ کجھ وی ثابت نئیں کردی جنہوں سچائی حیاتی دیاں روحانی شہادتیاں نال تباہ کردی اے؛ تے ایہہ ظاہر کردا اے پئی حساں نوں جیہڑی موت وکھالی دیندی اے فانی فریب نظری دے سوا کجھ وی نئیں، کیوں جے اصلی انسان تے اصلی کائنات لئی کوئی موت دا عمل نئیں۔

6- 28-19:52

”ڈکھی بندہ“ مادی حیاتی تے ذہانت دے عدم نوں تے قادر جامع رب، چنگیائی دی قادر اصلیت نوں چنگی طراں سمجھدا اے۔ شفافیت سیان یا کر سچن سائنس دے ایہہ فضل نکتے نہیں جنہاں نے اوہنوں محبت نال لیس کیتا۔ رب دے اعلیٰ ترین نمائندے نے، الہی اصول دی عکاسی لئی انسانی قابلیت دے بارے گل کر دیاں ہوئے، اپنے چیلیاں نوں پیش گوئی دے طور تے نہ صرف اپنے دور بلکہ ہر دور لئی آکھیا: ”جیہڑا میرے اُتے ایمان رکھدا اے ایہہ کم جیہڑے میں کرداواں اوہ وی کرے گا؛“ تے ”ایمان لیاون والیاں دے وچالے ایہہ معجزے ہون گے۔“

7- 13:324 (دی)-19، 18-32

جیہڑی راہ ایس فہم ول لے جاندی اے پئی کلاب ای حیاتی اے اوہ راہ سدھی تے سوڑی اے۔ ایہہ بدن دے نال اک لڑائی اے، جیدے وچ پاپ، بیماری تے موت اُتے ساہنوں فتح پاؤنی چاہیدی اے بھانویں ایہتھے یا ایہدے توں بعد، یقینا ایس توں پہلاں پئی اسی روح دے مقصد، یارب وچ حیاتی حاصل کرن تیکر اپڑ سکئے۔

اصل وچ یسوع نے آکھیا، ”جیہڑا میرے اُتے ایمان لیندا اے اوہ ہمیشہ تیکر کدی نہ مرے گا۔“ یعنی، اوہ جیہڑا حیاتی دا اصلی خیال پالیندا اے اوہ موت اُتے اپنا ایمان گوا دیندا اے۔ جیدے کول نیکی دا اصلی خیال اے اوہ بریائی داسارا فہم گوا دیندا اے، تے ایس پاروں روح دیاں نہ مرن والیاں اصلیتیاں وچ رہنمائی پاند اے۔ اجیہا بندہ حیاتی وچ قائم ہندا اے، اجیہی حیاتی جیہڑی حیاتی نوں سہارا نہ دین دے قابل بدن توں نیس بلکہ اوس سچھائی توں حاصل کیتی گئی ہووے جیہڑی اپنے لافانی خیال نوں ظاہر کردی ہووے۔

کلیسوں (3:4) وچ پولوس لکھدا اے: ”جد مسیح جیہڑا ساڈی حیاتی اے ظاہر کیتا جاوے گا [سامنے آوے گا] تے تسی وی اوہدے نال جلال وچ ظاہر کیتے [سامنے آ] جاؤ گے۔“ جد روحانی ہستی نوں ایہدی ساری کابلیت، تسلسل تے طاقت دے نال سمجھیا جاندا اے، تے انسان رب دی صورت اُتے پایا جاوے گا۔ ایہناں رسوبی لفظاں دا اصل مطلب ایہہ اے پئی: فیر انسان اوہدی صورت اُتے، پیو وانگر کامل، حیاتی وچ لازوال، اوہدے الہی پیار وچ سچھائی دے نال، ”مسیح دے نال رب وچ پوشیدہ“، پایا جاوے گا، جتھے انسانی سیان نے انسان نوں نیس دیکھیا۔

8- 31-22:126

میں کر سچن سائنس لئی تے بیماری دے علاج لئی اوہنوں بالکل ای ورتیا جیویں میں اوہناں نوں لبھیا سی۔ میں سیان دے راہیں انسان دی صحت، لمی عمر تے اخلاق اُتے سچھائی دے اثراں نوں ظاہر کیتا۔ تے مینوں نوں یار پانے نظاماں وچ اجیہا کجھ نیس ملیا جیدے وچ مینوں اپنا آپ مل سکے، سوائے ساڈے وڈھے آقا دیاں تعلیماں تے اظہاراں

تے نیماں تے رسولوں دیاں حیاتیاں دے۔ بائبل ای میرا کلاہ اختیار رہیا اے۔ میرے کول حق دے ”سدھے تے سوڑھے راستے“ وچ کوئی دو جارا ہمنائیں اے۔

## روزانہ دے فرض

میری بیکرا ایڈی ولوں

### روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

### مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنناں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوئیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔